



# Extrait de la revue **SingulierS** du 2<sup>ème</sup> trimestre 2008

Revue des parlers romans de la province de Luxembourg

Editeur responsable: P. Otjacques, rue de la Hette 19 - 6840 Neufchâteau

**Rubrique : Textes**

## L' ègzâmin cantonal

Ghislaine GOMEZ

(gaumais de Villers-devant-Orval)

A la fin du l' anée scolére

C' èst l' cop d' grâce pou lès chijièmes primères

In bon moumant avant, c' èst normal

An rèvisse pou ète fin prêt' pou l' cantonal

An rwa tout l' programe, tot î passe

An fét s' possibe pou awar ine boune place

Lès djoûrnées sant longues, çu n' èst m' co si édji

D' agouler toute la matîre èt cète sacrée djéographe

C' èst ku l' fâmeûs djo arive a grands pas

Èt mè, rind k' d' î sondji, dj' so das tous mès-ètats

Pourveu k' çu n' ètiche mè trop dificile

Dj' voro rtoner an arière èt m' tuneu bin trankile

Ècouter la mètrèsse ô lieû d' fére l' imbècile

Dju so nèrveûs, k' èst ç' k' i m' arive, mon Dieu

Pourveu k' dumén ça alîche in pô mieûs

Mman ki vvat bin ku dju n' so m' das m'n-assiète

Mu dèt : « après ine boune neûtîe, tu warès, t' srès fin prêt' »

Lu landmén t't-ô matin, on parte pou Tintni

C' èst toula k' on su rtrouve avu deûs, trwas amis

An ratère das ine classe, lès-ôtes das lès sales d' a coté

Mu vwazin nu dèt rin, coume mè, il è lès fèsses sèrées

« Atancion, dèt l' survèyant, i n' èst m' kèstion du rlouker su l' coté

Tchèkun l' nez su sa feuye, dèpètchez-v', écrivez ! »

C' èst tèrîbe dju n' é m' ma tété a m' boulot

Ö ! C' èst sûre, dj' va m' taper in zérô

Dj' è coume in neûd das l' creûs d' l' èstouma



Coume ine boule ki m' èstranle, dju va teumer toula  
L' survèyant s' a rad' compte èt vint dlé mè  
A mu rwétant, i dèt : « couradje, ça va aler pitèt »  
Cès kèkes mots la m' ant rmins l' keûr a l' ouvradje  
Dju pra ma pleume èt dju nwarçè ma pâdje  
La confiance mu rvint èt ça va tout plé mieus  
I n' fot m' bécop d' grands mots pou rade in-afant eureûs  
Trwas djos deurant, on s' èst rtrouvé toula  
I n-î an-è eu dès kèstions, an veûs tu an vwala  
Anfin, ça î èst, c' èst la fin d' l' ègzâmin  
An tripèle, an vu conète sès pwints  
Mès i fôt compter, calculer ç' k' on è deu récolter  
An-è k' ine chòse a fére, c' èst d' rawarder  
A ruvant das l' ôto, la métrèsse è l' êr gêe  
« Dju n' conè m' co vos rèsultats, dit-èle, mès c' èst sûr, vus passez  
C' èst la djwa, on tchante, ôy da, c' èst don dèlîre  
Dj' su fière du vos, dit-èle, dju v' paye dès frites a la Crombîre ».

#### Malêjis mots

**agouler** = ingurgiter / **rawarder** = attendre / **tripèler** = piétiner, trépigner.